

Na temelju članka 28. Statuta Agencije za nadzor osiguranja Federacije Bosne i Hercegovine („Službene novine Federacije BiH“, broj 56/05), direktor Agencije za nadzor osiguranja Federacije Bosne i Hercegovine donosi

I N S T R U K C I J U

za podnošenje zahtjeva za suglasnost za članove nadzornog odbora.

Člankom 42. stavak (2) Zakona o osiguranju („Službene novine Federacije BiH“, broj: 23/17), (u daljem tekstu: Zakon), propisano je da skupština društva za osiguranje imenuje i razrješava članove nadzornog odbora, uz prethodnu suglasnost Agencije za nadzor. Stavkom (3) istog članka propisano je da Agencija za nadzor daje, odnosno oduzima suglasnost po proceduri za izdavanje suglasnosti upravi.

Člankom 43. Zakona propisano je:

- (1) Za člana nadzornog odbora društva za osiguranje osoba može biti imenovano pod uvjetom da:
 - a) nije pravomoćno osuđivana za krivično djelo nespojivo sa dužnošću u nadzornom odboru,
 - b) joj nije presudom suda zabranjeno obavljanje aktivnosti u nadležnosti nadzornog odbora,
 - c) nije bila član uprave društva nad kojim su provedne mjere nadzora u obliku imenovanja posebne uprave, prinudne likvidacije ili prijedloga za pokretanje stečajnog postupka,
 - d) mu nije mjerom nadzora oduzeta suglasnost za funkciju člana uprave društva za osiguranje i to u periodu od dvije godine od dana kada joj je nametnuta mjera nadzora,
 - e) Agencija za nadzor nije joj odbila izdati odobrenje za obavljanje funkcije člana uprave i to najmanje godinu dana od dana donošenja rješenja kojim se odbija izdavanje odobrenja za obavljanje funkcije člana uprave.

Člankom 44. Zakona propisano je:

- (1) Članom nadzornog odbora društva za osiguranje ne može biti imenovana osoba:
 - a) koja je povezana sa pravnim osobama u kojima društvo za osiguranje ima udio više od 5% prava glasa ili takav udio u njihovom temeljnom kapitalu,
 - b) koja je član nadzornog odbora ili uprave ili prokurist u drugom društvu za osiguranje, drugom osiguravajućem holdingu ili drugoj finansijskoj instituciji,
 - c) koja ne može biti član nadzornog odbora prema odredbama Zakona o gospodarskim društvima.
- (2) Zabrana iz stavka (1) ovog članka ne vrijedi za osobe koje su članovi nadzornog odbora, uprave ili prokuristi nadređenog društva za osiguranje ili drugog nadređenog društva u grupi osiguravača.

Iz navedenih odredbi jasno proizlazi da je društvo za osiguranje obvezno podnijeti zahtjev, Agenciji za nadzor osiguranja Federacije Bosne i Hercegovine za suglasnost za imenovanje članova nadzornog odbora.

Zahtjev se podnosi za buduća imenovanja, nakon isteka mandata ili razrješenja već imenovanih članova nadzornog odbora.

Uz zahtjev, za koji nije propisana forma, podnosi se Odluka Skupštine društva za osiguranje o imenovanju nadzornog odbora.

Odluka o imenovanju pored ostalih elemenata treba da sadrži i odredbu da ista stupa na snagu danom dobijanja suglasnosti za imenovanje nadzornog odbora od strane Agencije za nadzor.

Kao dokazi za ispunjavanje uvjeta iz članka 43. i 44. Zakona podnose se:

1. uvjerenje da nije pravomoćno osuđivan za kazneno djelo nespojivo sa dužnošću u nadzornom odboru izdato od nadležnog organa u BiH, ako se radi o strancu uvjerenje nadležnog organa matične države;
2. uvjerenje nadležnog organa u BiH, ako se radi o strancu uvjerenje nadležnog organa matične države, da mu pravomoćnom presudom suda nije zabranjeno obavljanje aktivnosti u nadležnosti nadzornog odbora;
3. izjava kandidata, ovjerena kod nadležnog organa, da nije:
 - a. bio član uprave društva nad kojim su provedne mjere nadzora u obliku imenovanja posebne uprave, prinudne likvidacije ili prijedloga za pokretanje stečajnog postupka,
 - b. nije povezano sa pravnim osobama u kojima društvo za osiguranje ima udio više od 5% prava glasa ili takav udio u njihovom temeljnom kapitalu,
 - c. nije član nadzornog odbora ili uprave ili prokurist u drugom društvu za osiguranje, drugom osiguravajućem holdingu ili drugoj finansijskoj instituciji,
 - d. da nije osoba koja ne može biti član nadzornog odbora prema odredbama Zakona o gospodarskim društvima,
 - e. da nije zaposlen u društvu za osiguranje.
4. Uvjerenje nadležnog nadzornog organa, ukoliko se radi o osobi koja nije bila član uprave ili kandidat za člana uprave društva za osiguranje koje je u nadležnosti Agencije za nadzor osiguranja Federacije Bosne i Hercegovine:
 - da joj nije mjerom nadzora oduzeta suglasnost za funkciju člana uprave društva za osiguranje i to u periodu od dvije godine od dana kada mu je oduzeta suglasnost za funkciju člana uprave,
 - da joj nadzorni organ nije odbio izdati odobrenje za obavljanje funkcije člana uprave i to najmanje godinu dana od dana donošenja rješenja kojim se odbija izdavanje odobrenja za obavljanje funkcije člana uprave.

Ukoliko je neko od imenovanih članova nadzornog odbora član nadzornog odbora, uprave ili prokurist nadređenog društva za osiguranje ili drugog nadređenog društva u grupi osiguravača na njega se ne odnosi član 44. Zakona i za istog se podnosi pored dokumenata navedenih pod tačkom 1. i 2. prethodnog pasusa:

1. izjava ovjerena od nadležnog organa da:
 - a) nije bio član uprave društva nad kojim su provedne mjere nadzora u obliku imenovanja posebne uprave, prinudne likvidacije ili prijedloga za pokretanje stečajnog postupka,
 - b) da nije zaposlen u društvu za osiguranje.

Broj:01-059-1268/17
Sarajevo,15.05.2017.godine

DIREKTOR
Dinko Musulin v.r.